



**Republika e Kosovës**  
**Republika Kosova / Republic of Kosovo**  
**Këshilli Prokurorial i Kosovës / Tužilaški Savet Kosova / Kosovo Prosecutorial Council**

Duke u bazuar në nenin 4 të Ligjit për Këshillin Prokurorial të Kosovës dhe nenet 27 dhe 28 të Ligjit për Prokurorin e Shtetit (dhe Planin për Implementimin e Ligjit për Prokurorin e Shtetit), Këshilli Prokurorial i Kosovës ( tani e tutje "KPK") miraton:

**R R E G U L L O R E Nr. 02/2012**  
**PËR CAKTIMIN DHE TRANSFERIMIN E PROKURORËVE**

**Neni 1**  
**Qëllimi**

1. Me këtë rregullore caktohen kriteret dhe procedurat për caktimin dhe transferimin e Prokurorëve, duke u bazuar në riorganizimin e Prokurorive të përcaktuar me Ligjin për Prokurorin e Shtetit (tani e tutje "Ligji").
2. Për qëllim të kësaj rregullore kalimi i prokurorëve të prokurorive të qarkut në atë të apelit do të konsiderohet transferim.

**Neni 2**  
**Parimet bazë**

1. Gjatë caktimit dhe transferimit të prokurorëve, KPK do të udhëhiqet nga parimet si në vijim:
  - 1.1. Respektimi i shumëllojshmërisë etnike (Neni 5 i Ligjit);
  - 1.2. Parimet ndërkombëtare të barazisë gjinore (Neni 5); dhe
  - 1.3. Përfshirjen gjeografike.

### **Neni 3**

#### **Organizimi i Prokurorive**

1. Sipas Ligjit, Prokuroritë e Republikës së Kosovës nga data 01 janar 2013 organizohen si në vijim:
  - 1.1 Prokuroria Themelore e përbërë nga Departamenti i Përgjithshëm, nga Departamenti për të Mitur dhe Departamenti për Krime të Rënda;
  - 1.2. Prokuroria e Apelit e përbërë nga Departamenti i Përgjithshëm dhe Departamenti për Krime të Rënda;
  - 1.3. Prokuroria Speciale e Republikës së Kosovës; dhe
  - 1.4. Zyra e Kryeprokurorit të Shtetit.

### **Neni 4**

#### **Kriteret për caktimin dhe transferimin e Prokurorëve**

1. Gjate fazës së implementimit të ligjit, prokurorët mund të caktohen dhe transferohen vetëm në baze të kriterëve të parapara me këtë rregullore.
2. Përveç kualifikimeve minimale, prokurorët që plotësojnë kushtet në vijim do të jenë kandidat potencial për caktim dhe transferim:
  - 2.1 Për Departamentin e Krimeve të Rënda në Prokurorinë Themelore prokurori duhet të ketë ushtruar së paku tri vjet detyrën e prokurorit apo gjyqtarit;
  - 2.2 Për Prokurorinë e Apelit prokurori duhet të ketë ushtruar së paku katër vite detyrën e prokurorit apo gjyqtarit.

### **Neni 5**

#### **Caktimi dhe Transferimi**

1. Gjatë caktimit të prokurorëve në fazën e implementimit të Ligjit, KPK do të marrë parasysh dhe jap rëndësinë e duhur procesit gjithëpërfshirës të emërimit dhe riemërimit (Neni 28, par. 2.4 i Ligjit).
2. KPK do të respektojë vullnetin e prokurorëve gjatë caktimit dhe transferimit përveç kur kjo është e domosdoshme për të siguruar dhe lehtësuar fazën kalimtare nga organizimi aktual në organizmin e ri sipas ligjit.
3. KPK do të sigurohet, që çdoherë kur të jetë e mundur, të caktojë prokurorët brenda vendndodhjes së tyre gjeografike.
4. Prokurorët në detyrë në Prokuroritë komunale, në parim, do të sistemohen në kuadër të Departamentit të Përgjithshëm të Prokurorisë Themelore.

5. Prokurorët në detyre në Prokuroritë e Qarkut, në parim, do të caktohen në Departamentet e Specializuara të Prokurorive Themelore bazuar në përvojën dhe fushën e tyre të specializimit.
6. KPK mund të transferojë një prokuror nga një prokurori e nivelit më të lartë në prokurori të nivelit më të ulët vetëm me kërkesën e prokurorit.
7. Vendimin për caktim dhe transferim të prokurorëve e merr KPK bazuar në rekomandimin e Komisionit sipas Nenit 9 të kësaj Rregullore.
8. Për qëllim të kësaj rregulloreje departamente të specializuara konsiderohen departamenti për krime të rënda dhe departamenti për të mitur.
9. Prokurori i një prokurorie mund të transferohet, nga prokuroria ne Departamentin e Përgjithshëm ne detyrën e prokurorit ne Departamentit te Krimeve të Renda, me kusht që ti plotësoj kushtet e parapara për emërim për prokuror ne Departamentin e caktuar.
10. Bazuar në kriteret e miratuara dhe duke pasur parasysh shprehjen e interesimit nga ana e prokurorëve, KPK, në baza meritore, cakton prokurorët e qarkut në Departamentet përkatëse të Prokurorisë së Apelit.
11. Në rast se numri i prokurorëve në Prokurorinë e Apelit nuk do të plotësohet me prokurorët aktual të qarkut, KPK u ofron mundësinë për transferim në Prokurorinë e Apelit prokurorëve tjerë aktual të cilët i plotësojnë kriteret për tu caktuar në Prokurorinë e Apelit me ç'rast merr parasysh edhe kriteret shtese te parapara me këtë rregullore.

## **Neni 6**

### **Kompletimi i dosjeve**

1. Njësi për Shqyrtimin e Përformancës së Prokurorëve i paraqet Komisionit të dhënat mbi:
  - 1.1. Rezultatet e Punes dhe pershkrimi vleresues i Kryeprokurorit;
  - 1.2. Përvojën e punës;
  - 1.3. Trajnimet profesionale dhe akademike te ndjekura-arsimimi i vazhdueshem ligjor;
  - 1.4. Publikimet-Punimet shkencore; mirenjohjet,
  - 1.5. Specializimi në lemi të caktuar.
  - 1.6. Njohuritë mbi përdorimin e teknologjisë informative
  - 1.7. Masat disiplinore të marra ndaj prokurorit;
  - 1.8. Të dhënat tjera që konsiderohen të jenë relevante.

## **Neni 7**

### **Procedura**

1. Me qëllim të zbatimit të kësaj Rregulloreje, KPK themelon Komision për caktimin dhe transferimin e Prokurorëve në bazë të kriterëve të përcaktuara me këtë Rregullore.
2. KPK, shpall njoftim të brendshëm me të cilin do tu ofrohet mundësia të gjithë prokurorëve në nivel të Shtetit për të shprehur interesimin e tyre për të aplikuar për caktim dhe transferim.
3. Me rastin e aplikimit, prokuroret duhet të përcaktohen se në cilin Departament apo Prokurori janë të interesuar që të caktohen apo transferohen.
4. Prokurorët mund të bashkangjesin të dhënat që disponojnë për rezultatet e punës.

## **Neni 8**

### **Përbërja e Komisionit**

1. Komisioni përbëhet nga pesë anëtarë, në këtë përbërje:
  - 1.1. Kryeprokurori i Shtetit, kryetar i Komisionit;
  - 1.2. Një Prokurore nga Zyra e Kryeprokurorit të Shtetit, anëtar;
  - 1.3. Një Përfaqesues nga Shoqata e Prokurorëve të Kosovës, anëtar;
  - 1.4. Një prokuror nga prokuroria Speciale, anëtar; dhe
  - 1.5. Një anëtare nga anëtarët jo prokurorë të KPK, duke përjashtuar Ministrin e Drejtësisë.
1. Me rastin e caktimit të anëtarëve të Komisionit, KPK do të marrë parasysh përfaqësimin gjeografik të prokurorëve, përfaqësimin e pakicave, barazisë gjinore, konfliktet potenciale të interesit.
2. Komisioni do të ketë kuorum kur të pranishëm janë së paku katër anëtarë.
3. Komisioni do të marrë Vendim nga kuorumi jo më pak se tre vota "për".
4. Në rast të votimit të barabartë, vota e Kryetarit është vendimtare.

**Neni 9**  
**Detyrat dhe përgjegjësitë e Komisionit**

1. Komisioni shqyrton të gjitha aplikacionet e paraqitura në bazë të shpalljes së brendshme.
2. Komisioni shqyrton të gjitha të dhënat e ofruara nga Njesiti për Shqyrtimin e Performances.
3. Pas konstatimit se kriteret ligjore nga Neni 4 i kësaj Rregullore janë plotësuar, për qëllime të transferimit të prokurorëve komunal në Departmentin për Krimeve të Rënda të Prokurorisë Themelore, Komisioni do të aplikojë edhe kriteret e mëposhtme vlerësuese:

| <b>Kriteret</b>                                                                                                                 | <b>Piket</b> |
|---------------------------------------------------------------------------------------------------------------------------------|--------------|
| Përvoja e punës në Prokurorinë Komunale, çdo vit përvoje pune mbi tri vite pune do të vlerësohet nga një pikë, maksimumi 5 pikë | 1-5          |
| <b>Efikasiteti/Shkathtësitë</b>                                                                                                 |              |
| -Tejkalimi i normës (për 30%) gjatë gjashte mujorit të dytë të vitit 2011 + 5                                                   | +5           |
| -Mospërmbushja e normës gjatë gjashte mujorit të dytë të vitit 2011 -3                                                          | -3           |
| - Mbi 25 % e lendeve të zgjedhura me aktakuze të drejtpërdrejte apo aktakuzë pas hetimit vlerësohet deri në 5 pikë              | -3<br>+5     |
| Niveli akademik në fushë përkatëse profesionale, (2 pikë për Master)                                                            | +2           |
| Lokacioni gjeografik                                                                                                            | +2           |
| Masa disiplinore të ndërmarra ndaj prokurorit nga KD (Qortim -1, Vërejtje me shkrim -2, Ulja e pagës -3)                        | -1 deri -3   |
| Dështimi për të vijuar Programin për Arsimim të Vazhdueshëm Ligjor                                                              | -2           |

Pikët maksimale

4. Pas konstatimit se kriteret ligjore nga Neni 4 i kësaj Rregullore janë plotësuar, për qëllime të caktimit dhe transferimit të prokurorëve në Prokurorinë e Apelit dhe Departmentet përkatëse të saj, Komisioni do të aplikojë edhe kriteret e mëposhtme vlerësuese:

| <b>Kriteret</b>                                                                                                                   | <b>Piket</b> |
|-----------------------------------------------------------------------------------------------------------------------------------|--------------|
| Përvoja e punës në Prokurorinë e Qarkut, çdo vit përvoje pune mbi katër vite pune do të vlerësohet nga një pikë, maksimumi 5 pikë | 1-5          |
| <b>Efikasiteti/Shkathtësitë</b>                                                                                                   |              |
| -Tejkalimi i normës (për 30%) gjatë gjashte mujorit të dytë të vitit 2011 + 5                                                     | +5           |
| -Mospërmbushja e normës gjatë gjashte mujorit të dytë të vitit 2011 -3                                                            | +2           |
| - Mbi 25 % e lendeve të zgjedhura me aktakuze të drejtpërdrejte apo aktakuzë pas hetimit vlerësohet deri në 5 pikë ..... +5       | -3<br>+5     |
| Niveli akademik në fushë përkatëse profesionale, (2 pikë për Master)                                                              | +2           |
| Lokacioni gjeografik                                                                                                              | +2           |
| Mësim klinik apo publikime ligjore                                                                                                | +2           |
| Masa disiplinore të ndërmarra ndaj prokurorit nga KOK (Qortim -1, Vërejtje me shkrim -2, Ulja e pagës -3)                         | -1 deri -3   |
| Dështimi për të vijuar Programin për Arsimim të Vazhdueshëm Ligjor                                                                | -1 deri -3   |

Pikët maksimale

5. Kriteret për caktimin e Kryeprokurorit të Prokurorisë së Apelit janë:

| Kriteret                                                                                                                   | Pikët |
|----------------------------------------------------------------------------------------------------------------------------|-------|
| Ushtrimi i funksionit të Kryeprokurorit Komunal (për secilin vjet të përvojës së punës 1 pikë por jo më shumë se 3 pikë)   | 1-3   |
| Ushtrimi i funksionit të Kryeprokurorit të Qarkut (për secilin vjet të përvojës së punës 1 pikë por jo më shumë se 5 pikë) | 1-5   |
| Përvoja si prokuror i qarkut për së paku 5 vite                                                                            | 2     |

Pikët maksimale

6. Kriteret për caktimin e Kryeprokurorit të Prokurorisë Themelore janë:

| Kriteret                                                                                                                   | Pikët |
|----------------------------------------------------------------------------------------------------------------------------|-------|
| Ushtrimi i funksionit të Kryeprokurorit Komunal (për secilin vjet të përvojës së punës 1 pikë por jo më shumë se 3 pikë)   | 1-3   |
| Ushtrimi i funksionit të Kryeprokurorit të Qarkut (për secilin vjet të përvojës së punës 1 pikë por jo më shumë se 5 pikë) | 1-5   |
| Përvoja si prokuror komunale se paku 4 vite apo si prokuror i qarkut për së paku 3 vite                                    | 2     |

7. Komisioni mund të kërkoj informata shtese nga prokurori apo nga Njesiti.

8. Komisioni ka për detyrë që deri me datën 31 gusht 2012 t'ia paraqes KPK-se listen përfundimtare të prokurorëve të propozuar për caktim apo transferim.

9. Këshilli duhet që deri me datën 30 shtator 2012 të merr Vendim për caktim apo transferim të prokurorëve.

10. Vendimet e Këshillit janë të detyrueshme.

## Neni 10 Hyrja në fuqi

Kjo Rregullore hyn në fuqi ditën e miratimit nga Këshilli Prokurorial i Kosovës.

Miratuar nga KPK në mbledhjen e mbajtur me datën 20 mars 2012.

Ismet Kabashi  
Kryetari i Këshillit Prokurorial

